



REPUBLIKA E SHQIPËRISË

**ENTI RREGULLATOR I ENERGJISË**

**Bordi**

**VENDIM**

**Nr. 230, Datë 20.12.2019**

**MBI**

**MIRATIMIN E KONTRATËS TË LIDHUR NDËRMJET SHOQËRIVE ALBPETROL SH.A. DHE ALBGAZ SH.A, PËR SHËRBIMIN E TRANSMENTIMIT TË GAZIT NATYROR, PËR NJË AFAT NJË VJEÇAR DUKE FILLUAR NGA DATA 01.01.2019 - 31.12.2019.**

Në mbështetje të nenit 16 të Ligjit nr.43/2015 “Për sektorin e energjisë elektrike”, i ndryshuar, nenit 35 dhe nenit 36, të Ligjit nr. 102/2015 “Për sektorin e gazit natyror”; Vendimit të Këshillit të Ministrave nr. 848, datë 07.12.2016 “Për krijimin e shoqërisë “ALBGAZ” sh.a. dhe përcaktimin e autoritetit publik që përfaqëson shtetin si pronar të aksioneve të shoqërive: “ALBGAZ” sh.a. dhe “ALBPETROL” sh.a.”, si dhe nenit 15 të “Rregullores së organizimit funksionimit dhe procedurave të ERE-s”, miratuar me Vendimin e Bordit të ERE-s nr. 96, datë 17.06.2016, Bordi i ERE-s, në mbledhjen e datës 20.12.2019, mbasi shqyrtoi relacionin pasi shqyrtoi relacionin nr. 114/15 Prot., datë 11.12.2019 të përgatitur nga Drejtoritë teknike për miratimin e kontratës për shërbimin e transmetimit të gazit natyror, të lidhur ndërmjet shoqërisë “ALBGAZ” sh.a. dhe shoqërisë “ALBPETROL” sh.a. për vitin 2019,

**Konstatoi se:**

- Bordi i ERE-s me vendimin nr. 49, datë 27.03.2019, ka filluar procedurën për miratimin e kontratës me nr. 1026 Prot., të Albpetrol sh.a, datë 04.02.2019 dhe nr. 25 Prot., të Albgaz sh.a, datë 25.02.2019, të lidhur ndërmjet shoqërive Albpetrol sh.a. dhe Albgaz sh.a, për shërbimin e transmentimit të gazit natyror, për një afat një vjeçar duke filluar nga data 01.01.2019 - 31.12.2019.
- Në vijim të kësaj vendimmarrje me shkresën nr. 32/1 Prot.,d atë 27.03.2019, është bërë njoftimi në median e shkruar dhe me shkresën nr. 222/1, datë 29.03.2019, janë njoftuar palët për fillimin e procedurës dhe është kërkuar prej tyre spjegim në lidhje me sasinë e parashikuar të gazit natyror që do të transmetohet, duke qënë se nga krahasimi me vitin paraardhës, u konstatua ulje e sasisë së gazit të transmetuar.
- Në përgjigje të sa më sipër, shoqëria Albpetrol sh.a me shkresën e protokolluar në ERE me nr. 222/2, datë 15.04.2019, ka bërë me dije argumentat në lidhje me sasinë e gazit të prodhuar.

- ERE në datën 02.05.2019, ka organizuar seancë dëgjimore mes përfaqësuesve të ERE, “Albgaz” sh.a dhe “Albpetrol” sh.a, në të cilën u diskutua mbi përcaktimin e sasisë së gazit natyror që do të transmetohet gjatë vitit 2019 dhe fitimin e munguar për Albgaz sh.a në lidhje me realizimin e një sasive transmetimi të gazit natyror më të vogël se ajo e parashikuar në kontratën për shërbimin e transmetimit të vitit 2018.
- Duke qenë se në draftin e paraqitur për miratim në ERE, u konstatua mungesa e parashikimit të penalteteve për palët, në rast të mosperformancës, si dhe nisur nga situata konfliktuale e krijuar mes palëve për shkak të kësaj mosperformance për vitin 2018, në seancë u dakortësua që palët “Albgaz” sh.a dhe “Albpetrol” sh.a., do të përcjellin në ERE propozime konkrete në lidhje me parashikimin e penalteteve për mosperformancën e palëve, duke kërkuar nga ERE rishikimin e kontratës për vitin 2019 dhe shtyrjen e vendimmarrjes finale për miratimin e saj, deri në shqyrtimin e këtij propozimi.
- Pas seancës dëgjimore dhe kërkesave të vazhdueshme të ERE-s, shoqëria “Albpetrol” sh.a ka përcjellë shkresën e protokolluar në ERE me nr. 222/7, datë 25.06.2019, më anë të së cilës ka kërkuar shtyrjen e vendimmarrjes finale të Bordit të ERE-s për këtë kontratë, duke argumentuar se nga ana e shoqërisë “Albpetrol” sh.a janë kryer ndryshimet përkatëse në kontratën e transmetimit të gazit natyror për vitin 2019, dhe ky draft i është dërguar shoqërisë Albgaz sh.a, për të parashtruar objeksione të mundshme në lidhje me ndryshimet e bëra në kontratë. Po ashtu nëpërmjet këtij komunikimi shoqëria Albpetrol sh.a i ka kërkuar shoqërisë Albgaz sh.a paraqitjen sa më shpejt të këtij drafti për nënshkrimin e përbashkët dhe përcjelljen e tij për miratim në ERE.
- Duke qenë se nga ana e Albgaz sh.a, nuk pati korrespondencë zyrtare për dhënien e opinioneve mbi këto ndryshime, ERE, në mbështetje të neneve 27 dhe 29 të “Rregullave të Organizimit, Funksionimit dhe Procedurave të ERE”, miratuar me Vendimin e Bordit nr. 96, datë 17.06.2016, zhvilloi një seancë dëgjimore mes përfaqësuesve të ERE-s, “Albgaz” sh.a dhe “Albpetrol” sh.a, në të cilën u diskutua për ndryshimet e bëra nga Albpetrol sh.a në kontratën e shërbimit të transmetimit për vitin 2019, si dhe për parashikimin e penalteteve të mundshme në dispozitat e saj.
- Përfaqësuesit e shoqërisë Albpetrol sh.a gjatë seancës dëgjimore deklaruan se sasia faktike e gazit natyror që disponojnë për tu transmetuar është 600.000 (gjashtëqind mijë) Nm<sup>3</sup> në vit, e cila prodhohet në Cakran, Poligoni i matjes së gazit në Stacionin e Kompresorëve Drenovë. Si e tillë u bë nga ana e tyre korigjimi i kësaj sasive në kontratë të cilën e konsideruan si lapsus. Ata deklaruan se këto specifikime janë dhënë edhe në nenin 7, pika 7.1 e kontratës.
- Në përfundim të seancës dëgjimore, për palët u la detyrë që brenda datës 12.07.2019, të përcjellin në ERE kontratën e dakordësuar dhe nënshkruar, në mënyrë që ERE të vijojë pa vonesë me miratimin e saj. Palëve iu bë me dije gjithashtu se: nëse nuk do të ketë një amendim të dakortësuar të sa më sipër, ERE do të vlerësojë e shprehet në lidhje me miratimin ose jo të kontratës për të cilën ka filluar procedurën me vendimin nr. 49, datë 27.03.2019.

- Duke qënë se në ERE nuk mbërriti asnjë korrespondencë nga shoqëritë “Albgaz” sh.a dhe “Albpetrol” sh.a, në lidhje me sa lënë detyrë në seancë dhe risjellë në kujtesë në vijim nga ERE me shkresën nr. 222/9 Prot., datë 10.07.2019, ERE iu drejtua sërish palëve Albgaz sh.a, Albpetrol sh.a dhe MIE me shkresën nr. 222/13 Prot., datë 30.08.2019, duke i ftuar në një seancë tjetër dëgjimore në datën 02.09.2019, për të diskutuar ndryshimet e propozuara në të nga Albpetrol sh.a.
- Pas diskutimeve në seancë me palët për sasinë e gazit natyror dhe orientimeve që dha MIE, u dakordësua midis palëve që brenda 10 ditëve të përcjellin për miratim në ERE draftin final të dakordësuar, duke mbajtur në konsideratë reflektimin e rekomandimit të MIE në lidhje me sasinë faktike të gazit natyror të prodhuar/transmetuar gjatë 8-mujorit të parë të vitit 2019 dhe sasinë e parashikuar për 4-mujorin e mbetur të këtij viti, referuar programit ekonomik të miratuar nga Ministria e Infrastrukturës dhe Energjisë, të shoqërisë Albpetrol sh.a. në kontratën e dakordësuar.
- Në përgjigje të sa më sipër, shoqëria *Albgaz sh.a me shkresën e protokolluar në ERE me nr. 576, datë 20.09.2019, ka përcjellë në ERE draft-kontratën e transmetimit të gazit natyror midis Albgaz sh.a dhe Albpetrol sh.a, për vitin 2019, nga analizimi i së cilës rezultoi se: Drafti bashkëlidhur kësaj shkrese nuk mban nënshkrimin e asnjë prej palëve të saj.*
- Në lidhje me sa më sipër, duke qënë se nuk pati asnjë përgjigje apo kontratë të depozituar në ERE nga palët për konfirmimin e dakortësisë së këtyre ndryshimeve, u vijua me analizimin e draft - kontratës së përcjellë nga Albgaz sh.a me shkresën nr. 576, datë 20.09.2019.
- Bazuar në Vendimin e Këshillit të Ministrave nr. 848, datë 07.12 2016 për "*Për krijimin e shoqërisë “ALBGAZ” sh.a. dhe përcaktimin e autoritetit publik që përfaqëson shtetin si pronar të aksioneve të shoqërive: “Albgaz” sh.a. dhe “Albpetrol” sh.a.*", shoqëria "Albgaz" sh.a., ushtron aktivitetin si Operator i Kombinuar i Sistemit të Transmetimit dhe Shpërndarjes së Gazit Natyror në Shqipëri.
- Shoqëria “Albgaz” sh.a është licencuar në aktivitetin e transmetimit të gazit natyror me Vendimin e Bordit të ERE-s, nr. 188, datë 10.11.2017, për një afat 30 vjeçar.
- Me Vendimin e Bordit të ERE-s nr. 179, datë 08.11.2017, shoqëria “Albgaz” sh.a. është Çertifikuar si Operator i Kombinuar i Gazit Natyror, si dhe me Vendimin e Bordit të ERE-s nr. 187, datë 10.11.2018, është licencuar në aktivitetin e shpërndarjes së Gazit Natyror, për një afat 30 vjeçar.
- Shoqëria “Albpetrol” sh.a., kryen aktivitetin e prodhimit dhe shitjes së gazit natyror, ndërsa Shoqëria “Albgaz” sh.a., realizon transmetimin gazit natyror me anë të linjave të “Albpetrol” sh.a.
- Shoqëria “Albgaz” sh.a., në cilësinë e transmetuesit, funksionon si operator i kombinuar i gazit natyror dhe ka depozituar në ERE kontratën e lidhur ndërmjet shoqërisë “Albpetrol” sh.a. dhe shoqërisë “Albgaz” sh.a. dhe gjen mbështetje në Kodin Civil të Republikës së Shqipërisë, në Ligjin nr. 9901, datë 01.04.2008, "*Për Tregtarët dhe Shoqëritë Tregtare*" të ndryshuar, në Ligjin nr. 7582, datë 03.07.1992 "*Për Ndërrmarrjet shtetërore*", në Ligjin nr. 8450, datë 24.02.1999,

*“Për përpunimin transportimin dhe tregtimin e naftës dhe gazit natyror dhe nën produkteve të tyre” të ndryshuar, në Ligjin nr. 102/2015 “Për sektorin e gazit natyror”, në Vendimin e Bordit të ERE-s, nr. 97, datë 23.04.2018 “Mbi miratimin e tarifës së transmentimit të Gazit Natyror nga shoqëria “ALBGAS” sh.a, për vitin 2018”.*

- Objekti i kontratës midis “Albgaz” sh.a. dhe “Albpetrol” sh.a., është transmentimi i gazit natyror nga shoqëria “Albgaz” sh.a., kundrejt një tarife transmentimi për llogari të shoqërisë “Albpetrol” sh.a..
- Çmimi i ofrimit të shërbimit të transmentimit të gazit natyror sipas kësaj kontrate është ai i vendosur në bazë të vendimit të ERE-s nr. 97, datë 23.04.2018, i ndryshuar me vendimin nr. 60, datë 15.04.2019, për tarifat e shërbimit të transmetimit. Tarifa aktuale për “Albgaz” sh.a., me cilësinë e transmetuesit të gazit natyror dhe Albpetrol sh.a. me cilësinë e prodhuesit të gazit natyror, është 28 lek/m<sup>3</sup>, pa TVSH.
- ERE i është drejtuar shoqërisë Albgaz sh.a me shkresën nr. 206 Prot., datë 07.03.2019, me anë të së cilës i ka kërkuar këtij të fundit paraqitjen sa më shpejtë të të ardhurave të kërkuara për të mundësuar zhvillimin normal të aktivitetit të shoqërisë Albgaz sh.a. për vitin 2019 ose ndjeshmërinë/pritshmërinë e Albgaz sh.a në lidhje me mjaftueshmërinë e tarifës në fuqi të miratuar me Vendimin 97, datë 23.04.2018 të Bordit të ERE-s.
- Kjo kontratë rregullon të gjithë marrdhënien e shërbimit të transmentimit të gazit natyror ndërmjet palëve duke përfshirë, por pa u kufizuar edhe programin, normimin, livrimin dhe pranimin e gazit natyror për periudhën kohore 01.01.2019-31.12.2019.
- Të gjitha kushtet e kësaj kontrate konsiderohen thelbësore dhe mund të shtohen ose ndryshohen nëse vullneti i të dy palëve është shprehur paraprakisht me shkrim dhe me miratimin nga Bordi i ERE.
- Kjo kontratë përbën marrveshjen e vetme dhe të plotë midis palëve, në lidhje me ofrimin e shërbimit të përcaktuar në objektin e saj dhe zëvendëson çdo marrëveshje verbale ose të shkruar të mëparshme ndërmjet palëve.

Për gjithë sa më sipër cituar Bordi të ERE-s,

#### **Vendosi:**

1. Të miratojë Kontratën me nr. 1026 Prot., të Albpetrol sh.a, datë 04.02.2019 dhe nr. 25 Prot., të Albgaz sh.a, datë 25.02.2019, të lidhur ndërmjet shoqërive Albpetrol sh.a. dhe Albgaz sh.a, për shërbimin e transmentimit të gazit natyror, për një afat një vjeçar duke filluar nga data 01.01.2019 - 31.12.2019 me ndryshimet si në vijim :

##### **a) Neni 1 “Baza Ligjore”**

*Kjo kontratë lidhet në bazë të Kodit Civil të Republikës së Shqipërisë, të ligjit nr. 9901, datë 01.04.2008 “Për Tregtarët dhe Shoqëritë Tregtare”, të ndryshuar, ligjit nr.7582, datë 13.07.1992 “Për Ndërmarrjet Shtetërore”, të ndryshuar, ligjit*

nr.102/2015, "Për Sektorin e Gazit Natyror", ligjit nr. 8450, dt.24.02.1999, "Për përpunimin, transportin dhe tregtimin e naftës dhe gazit dhe të nënprodukteve të tyre", të ndryshuar, Vendimin nr.848, datë 07.12.2016, "Për krijimin e Shoqërisë "Albgaz" Sh.a dhe përcaktimin e autoritetit publik që përfaqëson shtetin si pronar të aksioneve të shoqërive "Albpetrol" Sh.a dhe "Albgaz" Sh.a.", të ndryshuar, ku Këshilli i Ministrave ka miratuar krijimin e autoritetit publik që është përgjegjës për trasmetimin, shpërndarjen dhe depozitimin e gazit natyror në Republikën e Shqipërisë, Vendimit të ERE-s nr. 269, datë 21.12.2018 si dhe Vendimit nr. 60, datë 15.04.2019, si dhe akteve nënligjore të dala në zbatim të tyre."

**b) Neni 3 "Qëllimi i kontratës"**

3.3.2 "...Kjo Kontratë rregullon, kushtet dhe afatet për realizimin e këtij bashkëpunimi midis Prodhuesit dhe Operatorit".

**c) Neni 4 "Afati i Kontratës"**

Kjo kontratë lidhet për një afat 1 (një) vjeçar, duke filluar nga data 01.01.2019, që është dhe data e hyrjes në fuqi të kësaj kontrate (data efektive).

**d) Neni 5 "Tarifa e Shërbimit"**

5.1 Për trasmetimin e gazit natyror tarifa do të jetë 28 (njëzet e tetë) lekë/m<sup>3</sup> pa TVSH në bazë të Vendimit të ERE-s nr. 269, datë 21.12.2018 si dhe Vendimit nr.60, datë 15.04.2019.

**e) Neni 6 "Faturimi dhe mënyra e pagesës"**

6.1 "...mënyrën e përlllogaritjes së tarifës për tu paguar..." është zëvendësuar fjala "tarifë" me fjalën "detyrim" si vijon "...mënyrën e përlllogaritjes së detyrimit për tu paguar...".

**f) Neni 10 "Leximi dhe Faturimi"**

10.5 Diferenca e krijuar midis sasisë së livruar sipas pikës 7.1 dhe sasisë së transmetuar sipas pikës 7.2, të nenit 7, të konvertohet në vlerë nga Prodhuesi Sasi\*(çmim shitje+kosto trasmetimi)

**g) Neni 12 "Planifikim dhe Ndërprerja e Livrimit"**

"Sasia e parashikuar për tu livruar nga prodhuesi shoqëria Albpetrol sh.a që do të trasmetohet nga Operatori shoqëria Albgaz sh.a është 600.000 (gjashtëqind mijë) Nm<sup>3</sup> për periudhën 01.01.2019 – 31.01.2019.

**h) Neni "14 Përgjegjësia për dëmet"**

14.2. Operatori është përgjegjës për çdo çlirim të gazit gjatë procesit të trasmetimit të tij.

**i) Neni 17 "Të ndryshme"**

*17.5. Zgjidhja e kësaj Kontrate nuk do t'i lehtësojë Palët nga detyrimet që kanë përkundrejt njëra - tjetrës deri në datën e miratimit të zgjidhjes së saj nga ERE ose nga detyrimet të cilat lindin nga veprimet e kryera përpara kësaj date.*

2. Palët kontraktore të depozitojnë në ERE Kontratën për Shërbimin e Transmetimit të Gazit Natyror të lidhur ndërmjet shoqërisë “Albgaz” sh.a. dhe shoqërisë “Albpetrol” sh.a, për periudhën 01.01.2019 - 31.12.2019, të nënshkruar nga palët.
3. Drejtoria e Çështjeve Ligjore, të njoftojë palët për vendimin e Bordit të ERE-s.

Ky vendim hyn në fuqi menjëherë dhe I shtrin efektet nga data 01.01.2019.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 45 ditëve kalendarike nga data e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**

**Petrit AHMETI**